



11. juni 2013

Inatsisartut Suleriaasianni § 37 naapertorlugu Naalakkersuisunut apeqqut imaattoq matumuuna saqqummiuppara:

- 1. Aningaasaqarnermut Nunallu iluani pissutsisut Pisortaqarfimmi pisortaq ukiuni aalajangersimasuni atorfeqartussanngorlugu atorfinitsinneqarnikuua taamaassimappat kingullermik taamaattumik qanoq isumaqatigiissusiortoqarpa aamma qanoq sivistigisumik atuuttussamik isumaqatigiissuteqartoqarpa?**
- 2. Pisortaqarfimmi pisortap soraarneranut atatilugu soraarnerminut atatillugu ajunngitsorsitinneqassasoq isumaqatigiissutigineqarpa imaluunniit piffissami aalajangersimasumi akissarsiani pigiinnarlugit akissarsiaqarallarnissaa aamma taamatut aqqiineq qanoq Landskarsimut aningaasartuutaassava?**
- 3. Suna pissutaava pisortaqarfiup pisortap soraarneranut atatillugu Naalakkersuisut soraartorlu isumaqatigiissimmata illuatungeriit arlaannaalluunniit oqaaseqassanngitsoq pisortaqarfimmi pisortap soraarnera pillugu?**
- 4. Taamatut "nipangersitsiniarluni" isumaqatigiinnissamut Naalakkersuisut isumassarsisuuppat?**
- 5. "Nipangersitsiniarluni" isumaqatigiissummi Inatsisartut ombudsmandiata 2008-mi nalunaarusiaani najoqqutassatut aalajangersarneqartut malinneqarpat?**

(Inatsisartunut ilaasortaq Palle Christiansen, Demokraatit)

Tunngavilersuut:

Tusagassiutinut nalunaarummi Naalakkersuisut qanittumi oqaatigaat, Aningaasaqarnermut Nunallu iluani pissutsinut pisortaqarfimmi pisortaq erngiinnaartumik soraarsimasoq.

Siornatigut pisartuni assersuutissaqartipparput, pisortaqarfinni atorfillit, atorfimminnut atatillugu unioqqutitsisimannikkaluarlutik, maleruutiinnarusunnginnertilli pissutigalugu soraarsitaasarnarat. Landskarsimut akisusarsimavoq – taamaasillunilu aamma innuttaasunut, Namminersorlutik Oqartussat qaammatini arlalinni imaluunniit ukiumi ataatsimi akissarsiassanik tunisisarsimmata, soraarsitaanermut atatillugu ajunngitsorsiassaqartitsiniarlutik.

Taamaattumik tamatta paaserusupparput, pisortaqarfimmi pisortap tassanngaannaq soraarsitaanera, soraarsitaanermik tunngaveqarnermoq landskarsimut akisoqisumik aammalu tamatumunnga atatillugu qanoq aningaasartuuteqartoqarsimanersoq.



DEMOKRAATIT
DEMOKRATERNE

Paasivara tusagassiutinut nalunaarummi Naalackersuisut nalunaartut, pisortap soraarneranut atatillugu Naalackersuisut soraartorlu isumaqatigiissimasut, pisortap tassanngaannaq soraarneranut tunngatillugu oqaaseqarumanatik.

Inatsisileritooq taamatut ”nipangersitsisarnerup” isumaa pillugu isumasioreerlugu innersuussutigissavara Inatsisartut ombudsmandiata 2008-mi nalunaarummini oqaaseqaatai, tassani ombudsmandi oqarpoq, taamatut nipituulinngunnissamut imaluunniit soraarnermut atatillugu nipangersimaannarnissamut isumaqatigiissutit Inatsisartunut imaluunniit Inatsisartut ataatsimiititaliaannut Naalackersuisunik oqaaseqartitserusuttunut nipangiutiinnarneqarsinnaanngitsut.

Ombudsmandip nalunaarusiaani tassani aamma atuarneqarsinaavoq, isumaqatigiissutit atorfillip/soraarsitaasup inatsisitigut illersugaalluni kiffaanngissuseqarluni oqaaseqarsinnaaneranut killilersuissanngitsut kiisalu isumaqatigiissut ersarissamik oqaasertalersorneqassasoq, malittarisassat, ombudsmandip nalunaarummini nassuiagai, tunngavigalugit.

Apeqqutit akeqquneqarput tigusinermiit ullut sulliviit nalignnaasut qulit qaangiutsinnagit